



# গণপ্রজাতন্ত্রী বাংলাদেশ সরকার

## তথ্য অধিদফতর



PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর- ০৭৯

সুস্থ সমাজ গঠনে গণমাধ্যমের ভূমিকা ব্যাপক

- রাসিক মেয়র

রাজশাহী; ১৬ আশ্বিন (০১ অক্টোবর):

রাজশাহী সিটি করপোরেশনের মেয়র এ এইচ এম খায়রুজ্জামান লিটন বলেছেন, বাংলাদেশে অসংখ্য অনলাইন মিডিয়া আছে। এগুলোর মধ্যে থেকে কিছুসংখ্যক মিডিয়া জনগণকে বিভ্রান্ত করার উদ্দেশ্যে মিথ্যা তথ্য দিয়ে গুজব ছড়াচ্ছে- যেটা দেশ ও জাতির জন্য অত্যন্ত বিপদজনক। সুস্থ সমাজ গঠনে গণমাধ্যমের ভূমিকা ব্যাপক বলে তিনি উল্লেখ করেন।

রবিবার দুপুরে নগরীর সিএডবি মোড়ে একটি কনভেশন হলে বাংলার জনপদ অনলাইন মিডিয়ার পঞ্চম প্রতিষ্ঠাবার্ষিকী উপলক্ষ্যে আলোচনা সভায় প্রধান অতিথির বক্তৃতায় তিনি এসব কথা বলেন।

অনলাইন মিডিয়াটির উদ্দেশ্যে মেয়র বলেন, শুধু রাজনৈতিক কনটেন্ট তৈরি করলেই হবে না। অর্থনৈতিক ভিত্তি স্থাপনে ভূমিকা রাখতে হবে। দশ লাখ রাজশাহীবাসীর প্রত্যক্ষ ও পরোক্ষ উপকার করতে হবে। তিনি অনুসন্ধানমূলক প্রতিবেদন তৈরির পরামর্শ দিয়ে নৌবন্দর, বিমানবন্দর, ট্রেন ও বাস রাজশাহী থেকে ভারতে চলাচল করতে কী কী প্রতিবন্ধকতা আছে তা খুঁজে বের করে প্রতিবেদন করতে বলেন। বন্ধ কারখানা এবং বিসিক শিল্পনগরী সমৃদ্ধ করতে কী কী পদক্ষেপ নেয়া জরুরি সে বিষয়েও প্রতিবেদন করার কথা বলেন।

কৃষি ক্ষেত্রে উন্নয়নের কথা উল্লেখ করে মেয়র বলেন, রাজশাহীতে ভারী ইন্ডাস্ট্রি হওয়ার খুব একটা সুযোগ নেই। কৃষিপণ্য ছাড়া রাজশাহীবাসীর দেশের জিডিপিতে তেমন একটা অবদান নেই। তাই কৃষিভিত্তিক পণ্য যেমন- আম, লিচু, মাছসহ বিভিন্ন পণ্যগুলো প্রসেসিং করে বাজারজাত করার জন্য কারখানা স্থাপনের গুরুত্ব তুলে ধরেন।

এ সময় তিনি অনলাইন মিডিয়াটিতে রাজশাহী নগরীর গুরুত্বপূর্ণ সংবাদ সরাসরি সম্প্রচারের ভূয়সী প্রশংসা করেন।

অনুষ্ঠানে বিশিষ্ট সমাজসেবী শাহীন আকতার রেণী, অনলাইন মিডিয়াটির প্রকাশক ডা. আনিকা ফারিহা জামান অর্ণা, সম্পাদক ড. সাদিকুর রহমান এবং জাসদের সভাপতি আব্দুল্লাহ আল মাসুদ শিবলী বক্তৃতা করেন। এসময় রাজনৈতিক, সাংস্কৃতিক ব্যক্তিবর্গসহ স্থানীয় বিভিন্ন প্রিন্ট ও ইলেক্ট্রনিক মিডিয়ার সাংবাদিকবৃন্দ উপস্থিত ছিলেন।

এর আগে বাংলার জনপদ অনলাইন মিডিয়ায় পঞ্চম প্রতিষ্ঠাবার্ষিকী উপলক্ষ্যে কেব কাটেন রাসিক মেয়র।

.....  
তৌহিদ/সিকান্দার/রুহুল/হালিম/২০২৩/১৬.২০ঘ.

টেলিফোন : সংবাদকক্ষ : ঢাকা - ৯৫১২২৪৬, ৯৫১৪৯৮৮; চট্টগ্রাম - ০৩১-২৫২১৩৬১; খুলনা - ০৪১-৭২০৭৪৯; রাজশাহী - ০৭২১-৭৭২৩৩৯  
ফ্যাক্স : ঢাকা-৯৫৪০৯৪২, ৯৫৪০০২৬, ৯৫৪০৫৫৩; চট্টগ্রাম - ৭১০১০২; খুলনা - ৭২০৮৫৩; রাজশাহী - ৭৭২৩৩৯  
ই-মেইল : [piddhaka@gmail.com](mailto:piddhaka@gmail.com), [piddhaka@yahoo.com](mailto:piddhaka@yahoo.com); ওয়েবসাইট : [www.pressinform.gov.bd](http://www.pressinform.gov.bd)